


故  
京  
遺  
文

特別  
子10  
4559



余性苦暑每至夏月身心倦疲今年況又炎熱異常如何能讀書  
究義哉頃日事業不過暴書拂蠹耳間取所輯金石文揭之壁間  
坐卧其下以自娛遂採錄南都以前之文作釋文及題跋頌曰古  
京遺文望之學績謏陋固多然鈎沈證古可以充史學之一助  
則杰勝終日斲之而睡焉文政元年七夕後一日湯島狩谷望之  
書



目錄

法隆寺藏如意輪觀音菩薩造像記  
 法隆寺金堂藥師佛造像記  
 法隆寺釋迦佛造像記  
 法隆寺二天造像記  
 宇治橋斷碑  
 船史王後墓版  
 小野朝臣毛人墓版  
 上野國山名村碑  
 采女氏瑩域碑  
 法金剛院鐘  
 那須直韋提碑  
 藥師寺東塔刹銘



隋志所言三師不立章不置府僚  
 蓋天子坐為福也  
 三公各議國之大小依後裔置  
 府僚無其人則闕

六典三師訓導之官也云云大抵無所統職之官然非道德  
 崇重則不居其位無其人則闕之 又云三公論道之官也蓋  
 以佐天子理陰陽平邦國無所不統 又云尚書令掌總領百官  
 儀刑端揆云云凡庶務皆會而決之  
 尚書周官云大帥大保大司馬惟三公論道經邦變理陰陽孔安  
 國云此惟三公之任佐王論道以經緯國事和理陰陽言有德甚  
 之

孫子算經二卷 隋書經籍志 一一一三卷 甄鸞撰注。舊唐書經籍志 李淳風注甄鸞孫  
 子算經三卷 新唐書藝文志 孫子算經三卷 日本國現在書目錄  
 五曹算經五卷 甄鸞撰。舊唐志 甄鸞 一一一五卷 新唐志

九章算術二卷 徐岳撰 舊唐志 九章算經二十九卷 徐岳撰 舊唐志 九章算經二卷 徐岳撰 舊唐志  
 一一一 一卷 徐岳撰 一一一 九卷 甄鸞撰。舊唐志 徐岳 一一一 算術九卷 新志

海鳴算經一卷 劉徽撰 舊志 劉徽 一一一 一卷 新志 一一一 二卷 現在書目

六章六卷 高氏撰 一一一 圖一卷 現在書目  
 綴術六卷 隋志 現在書目 一一一 五卷 祖沖之撰 李淳風注。舊志 釋祖沖之 一一一 五卷 新志

三開三卷 一一一 圖一卷 現在書目  
 九章重差一卷 劉向撰。舊志 一一一 一一一 圖一卷 劉徽撰。隋志

周髀一卷 趙嬰撰。隋志 舊志  
 九司算術一卷 現在書目

威柰真人大村墓志

伊福吉部臣德足比賣墓版

建多胡郡辨官符碑

粟原寺鑪盤銘

高田里結知識碑

興福寺觀禪堂鐘

楊貴氏墓版

佛足石記并歌碑

聖武天皇銅版詔書二通

修造多賀城碑

宇智河湍盤經碑

紀朝臣吉繼墓版

此他有元明天皇御陵碑剝落無一字存及狗裝隼人像又

斷獄律第六條疏議云依令一支廢腰脊折癡瘓侏儒等並不合拷訊皆據衆證定罪

職制律疏議云依令諸州歲別貢人若別勅令舉及國子諸館年常送省者為舉人 諸貢舉人非其人

檀興律疏議云依公式令封符付使人若使人更符別處未即還者附餘使傳送若州內有使次諸府總附五日內無使次差專使送之

太神宮儀式帳寶殿物十九種金銅櫛二基 太神宮式三〇條各三寸六分 金銅多利

金銅麻笥二合

太神宮式三〇條各三寸六分 尻徑二寸八分深二寸二分

有東大寺盧舍那佛像蓮座須彌山圖並無文字可錄如匾額瓦當別有集錄此所不載又大和國榮山寺武智麻呂公墓志殘石河內國獻福寺有馬腦石記文金剛輪寺有永午公墓表疑並後人為託今亦不存錄

附錄

興福寺銅燈臺銘

神護寺鐘銘

道澄寺鐘銘

右三銘文詞可觀書迹亦復足愛自非隋唐有名諸家固所不能為並為世所寶重故雖在遷都以還錄而附之

觀世音菩薩造像記

歲次丙寅年正月生十八日記高屋大夫為分韓婦夫人名阿麻古願南无頂礼作奏也

快書古名也 是花十一百十五卷之  
法定同名周那風亭別喚大  
戶福及淳酒

右金銅二臂如意輪觀音像藏在大和國法隆寺綱封庫記在其座下按丙寅推古天皇十四年正月生十八日謂正月月始見之後第十八日也當時未用曆日非因月之明晦莫知每月之更改故以月初見於西方為朔訓為月立者以是故也猶尚書哉生明其後雖行曆法然邊鄙猶認月見數日故天智天皇十年十一月紀對馬國司上言云月生二日是足以見古時素樸之風也高屋連河內神別神菟神十世孫伊已止足尼大連之後見姓氏錄伊已止宿祢回事記作五十琴宿祢世系詳見彼第五卷大夫名諱今不可知凡金石文之傳于今日者不有先於是者而前人所未見余容藏西遊始得遇之亦何幸耶

藥師佛造像記

池邊大宮治天下天皇大御身勞賜時歲次丙午年召於大王天皇與太子而誓願賜我大御病大平欲坐故將造寺藥師像作仕奉詔然當時崩賜造不堪者小治田大宮治天下大王天皇及東宮聖王大命受賜而歲次丁卯年仕奉

右藥師佛像在法隆寺金堂天平廿年法隆寺資財帳載之記在光燄背池邊大宮治天下天皇後謚曰用明天皇丙午其元年小治田大宮治天下大王天皇後謚曰推古天皇丁卯其十五年也太子及東宮聖王並謂廐戶皇子仕奉猶言奉造河內國西林寺記載天平十五年緣起云天忍羽廣庭天皇己卯年九月七日始大山上文首阿志高時率諸親屬等仕奉此寺并阿弥陀丈六佛像僧搃持釋云仕奉者造佛立寺之詞也即是

釋迦佛造像記

法興元世一歲次辛巳十二月鬼前太后崩明年正月廿二日上  
宮法皇枕病弗愈于食王后仍以勞疾並著於床時王后王子等  
及與諸臣深懷愁毒共相發願仰依三寶當造釋像尺寸王身蒙  
此願力轉病延壽安住世間若是定業以背世者往登淨土早昇  
妙果二月廿一日癸酉王后即世翌日法皇登遐癸未年三月中  
如願敬造釋迦尊像并侍侍及莊嚴具竟乘斯微福信道知識現  
在安隱出生入死隨奉三主紹隆三寶遂共彼堦普遍六道法界  
令口識得脫苦緣同趣菩提使司馬鞍首止利佛師造

右釋迦佛像上宮廡戶皇子妃為皇子所造亦在法隆寺金堂  
記刻在光燄背天平廿年法隆寺資財帳云王后敬造按上宮  
法王帝說太子娶膳臣傾子女蘓我馬子女及尾張王女橘王  
而膳氏先太子薨則資財帳云王后非蘓我氏則橘王也寺

傳謂山背大兄王造者謬傳耳上宮法王帝說謂法興元世一  
年者是時厩戶皇子與蘇我大臣謀興隆佛法故云尔非年號  
也辛巳推古天皇廿九年鬼前太后行穴太部間人女王是厩  
戶皇子之妣明年壬午推古天皇三十年王后即厩戶皇子之  
妃膳部氏諱菩岐々美郎女傾子臣之女翌日謂廿二日則知  
厩戶皇子以推古天皇三十年二月廿二日薨法隆寺繡帳文  
亦云歲在辛巳十二月廿一日癸酉日入孔部間人女王崩明  
年二月廿二日甲戌夜半太子崩正與此合推古天皇紀云二  
十九年二月己丑朔癸巳日五半夜厩戶豐聰耳皇子命薨蓋史  
筆之誤當以是記繡帳為正也癸未推古天皇三十一年也三  
主蓋謂太子母后及妃安隱即安穩說文新附云穩安也古通  
隱按穩字古所無鄭玄尚書注漢邨閣頌穩皆作隱佛經亦多  
用安隱字堉即岸字見北齊劉碑造像銘鞞首止利佛師推古天皇

紀作鞞作烏鳥祖司馬達等父多須奈而司馬達等以繼體天  
皇十六年二月歸化見扶桑略記烏為造佛之工亦見推古紀  
敏達紀云鞞部村主司馬達等用明天皇紀云鞞部多須奈蓋  
司馬其本姓而達等歸化之後賜鞞部姓也其云鞞首云鞞部  
村主云鞞作皆同

尚書左丞司郎中員外郎云凡施行公文  
應印者監印之其印每至夜在室滿司付  
直官長在外者送當處長官掌六典一

二天造像記

山口大口費上而次木開二人作也  
藥師德保上而鐵師用古二人作也

二像亦在法隆寺金堂記在光燄背案孝德天皇白雉元年紀  
云是歲漢山口直大口奉詔刻十佛像是像豈非所謂十佛之  
一耶上猶言首領也現報靈異記謂國守為國上亦是姓直古  
或作費見神護景雲元年三月及寶龜四年五月紀欽明天皇  
記有河內直又引百濟本紀作加不至費直並假借價直之字  
也姓氏錄蕃別載山口宿祢為後漢靈帝之後者是姓氏錄又  
有皇別山口朝臣云武內宿祢之後故紀云漢以分之也藤蒙  
齋好古日錄以為韓人非是姓氏錄蕃別有和藥使主云出自  
吳主照淵孫智聰也藥師德保或其後也鐵疑鐵字德保所造  
像形勢與大口所造像略同且記文如出一手則蓋其造亦在

法隆寺庫中有古褥其中心有題云常陸國信太郡  
中家鄉戶全大伴。羊。○。○。天平勝宝八年。○。

板齊真蹟



白雉元年也

宇治橋斷碑

澆澆橫流

其疾如箭

終□□□

□□□□

世有釋子

名曰道登

出□□□

□□□□

即因微善

爰發大願

結□□□

□□□□

右斷碑寬政三年四月發土獲之今在山城國宇治常光寺碑  
全文載在歷代帝王編年集成據以補匡以別之道登見孝德  
天皇大化元年及白雉元年紀道登營宇治橋又見現報靈異  
記而續日本紀則云道昭造宇治橋按續日本紀又云昭以文  
武天皇四年物化時年七十二泝數之大化二年時年十八猶  
弱齡恐無有造橋之事蓋以登昭共元興寺僧名字亦相涉終  
史者誤認為昭也賴遺此一片石而得以糾千歲之謬亦可喜  
也弘安七年二月太政官符云河上有一橋元興寺道登道昭  
建立之若登昭勦力造之則石銘豈特載登遺昭耶蓋彼欲據

碑為道登則与史乖欲從史為道昭則與碑違不能詳考審定歸之一人以兩存之則是言亦不足拠也

船史王後墓版

惟船氏故

王後首者是船氏中祖

王智仁首兒 那沛故

首之子也生於子婁陀宮治天下 天皇之世奉仕於等由羅宮

治天下 天皇之朝至於阿須迦宮 治天下 天皇之朝

天皇照見知其寸異仕有功勳勅賜官位大仁品為第<sub>以上</sub>

三殞之於阿須迦 天皇之末歲次辛丑十二月三日庚寅故戊

辰年十二月殞葬於松岳山上共婦 安理故能力自同墓其大

兄刀羅古首之墓並作墓也即為安保万代之靈基牢固永劫之

寶地也<sub>以上</sub>

右銅墓版藏<sub>以上</sub>在河內國古市郡古市村西琳寺王後推古天皇

紀作船史王子王智仁即欽明天皇紀王辰爾也姓氏錄作智

仁君與此版同欽明天皇十四年紀云遣王辰爾數錄船賦即

以王辰爾為船長曰賜姓為船史故此以為中祖也子婁陀宮

治天下天皇后謚曰敏達天皇等由羅宮治天下天皇后謚曰推古天皇后移遷御小墾田宮故或稱曰墾田天皇阿須迦宮治天下天皇后謚曰舒明天皇大仁推古天皇所制冠位辛丑舒明天皇十三年是歲十月帝崩故此云天皇之末戊辰天智天皇七年也此版以殯為葬伊福吉部氏墓志亦同萬葉集以真弓岡陵為日並知皇子殯宮亦與此同義荀子禮論三月之殯何也楊倞注云此殯謂葬之也松岳山在安宿郡國分村往年山崩出此版云按錢大昕跋晉劉韜墓版云祇叙名字官爵及夫人氏族而無讚頌之詞其石上銳如圭形長僅二尺餘疑即漢人所謂墓版也余今從其說題曰墓版藤蒙齋為孝德天皇時物誤矣

小野朝臣毛人墓版

飛鳥淨御原宮治天下天皇御朝任太政官兼刑部大卿位大錦

上以上

小野毛人朝臣之墓

營造歲次丁丑年十二月上旬即葬

以上

飛鳥淨御原宮治天下天皇后謚曰天武天皇大錦上天智天皇所制冠位廿六階之第七等按山域名勝志載愛宕郡高野河北有崇道天皇社上方一許町踏之鏗々有響慶長十八年十二月村人高村政重者發之獲石椁內有銅版長二尺許濶二寸許面背有文伊藤東涯曰高野村一名小野版長一尺九寸濶一寸九分以元祿初年親往見此版後再訪之村人云自掘得墓版之後村落衰弊疑是小野氏為崇取版埋藏舊處天武天皇紀十三年十一月小野臣等五十二氏賜姓曰朝臣此板以丁丑年造丁丑天武天皇之六年也而豫云朝臣與史不

合毛人日本書紀無載續日本紀小野朝臣毛野傳云小治田朝大德冠妹子之孫小錦中毛人之子也則知毛人妹子之子毛野之父今云大錦上亦與史異蓋西土碑碣與史不同者不一而足皆此類也愚謂小野臣等賜姓朝臣在天武天皇十三年以版六年所造而云朝臣者獨毛人先是而賜與同姓諸人不同也史所載是類不遑枚舉但大錦上可以糾史謬小野臣孝昭天皇皇子天押日子命之裔見古事記及姓氏錄名勝志引小野氏系圖以為敏達天皇曾孫妹子孫毛野男者非是亦襲此誤檢羣書類從取小野氏系圖敏達天皇子春日皇子子妹子王子毛人子毛野紹運錄同名勝志作妹子孫毛野男者偶誤耳然系圖紹運錄以為敏達天皇之裔者以小野臣同族有春日臣敏達天皇皇子有春日皇子遂誤也應以古事記姓氏錄為正好古小錄載此版脫治字誤

辛巳歲集月三日記

佐野三家定賜健守命孫黑賣刀自此新川臣兒斯多祢足辺孫大兒臣娶三兒長利僧母為記定文也

放光寺僧

碑在上野國綠野郡山名村山上觀音堂 文義古拙不可讀  
佐野在山名村北廿餘町古歌所咏佐野船橋即此距佐野村一許町有一小堂俗呼云放光山顛邊寺或云是放光寺之蹟又上野國神名帳有羣馬郡放光明神然則放光寺在於此亦未可知也蒙齋以其文似高田里碑其所亦相近云或出一手定以辛巳為天平十三年余則謂高田里碑以神龜紀年此特不可舍天平之號以干支紀則辛巳當在天武天皇之十年也蒙齋曰集月又見古銅牌銘文疑是韓語古銅牌銘載在好古日錄云摸本傳在一友人家長一尺寸濶二寸強厚一分弱陸識文云大邑利活辨慶著師盡可來觀都我往還三倉利如寬忠良哉願望九貞口口戊子集月銘文不可讀亦莫知為何器蒙齋疑為韓物或然

采女氏瑩域碑

飛鳥淨原大朝庭大弁官直大貳采女竹良卿所請造墓形浦  
山地四十代他人莫上毀木犯穢傍地也

己丑年十二月廿五日

碑今移在河內國石河郡春日村妙見寺古庭廷通用詩陟降  
庭止漢書匡衡傳作廷古今人表大廷氏注廷讀曰庭左傳釋  
文廷本又作庭皆可證弁亦辨字達多胡郡辨官符碑亦用之  
國策齊貌辨呂覽作劑貌辨古今人表作昆辨元和姓纂作昆  
弁則知辨辨弁古通用也直大貳天武天皇所制爵位四十八  
階之第十一等采女氏姓氏錄載在右京及和泉國神別並云  
神饒速日命之後古事記所云亦同竹良天武天皇紀作竹羅  
云直大肆此云大弁官直大貳皆可補史闕形浦山蒙齊云在  
河內國石河郡春日村土俗訛云帷子山代者古人量地之法

見類聚三代格上宮聖德法王帝說法隆寺資財帳等書萬葉集歌所謂五百代小田亦是日本書紀頃字亦讀與代同政事要略載弘仁十三年明法博士額田國造今足勘文云大方六尺為步三百五十步為五十代拾芥抄云田以方六尺為一步廿六步為一段頭三百六十步為一段積七十二步為十代百四十步為廿代百四十下恐脫四字二百六十步為卅代六十恐十二百八十步為四十代卅下恐五十代為一段說不同或時有沿革歟蒙齊釋四十代為四十代釋毀木為致木並誤已丑持統天皇三年也

妙心寺鐘

戊戌年四月十三日壬寅收糶屋評造春米連廣國鑄鐘

戊戌文武天皇二年也四月十三日壬寅以長曆推之正合收

謂取而收之也糶屋筑前國郡名扶桑鐘銘集釋為糶屋者誤評造猶云郡造古

時郡縣用評字大神宮儀式帳云難波朝庭天下立評給時續

日本紀天平寶字八年紀載紀寺奴益人等訴云本國冰高評

人內原直牟羅其郡司亦称評督或称評督領文武天皇四年

紀有衣評督衣君縣又神護景雲元年紀載阿波國百姓上言

曰評督凡直麻呂那須直韋提碑云評督被賜大神宮儀式帳

云小乙下久米勝麻呂評督領仕奉是也繼體天皇紀轉地名有背評傍訓邊已富里本注云背評地名亦熊

倫已富里則知古時郡縣用評字又訓已富里並韓國方語也春米連左京神別神饒速日命之後見姓

氏錄廣國書傳無載鍾即鐘字古書及漢唐諸碑皆通用于祿

字書鐘鐘上酒器下鐘磬字今並用上字五經文字鐘鐘上樂

器下量名又聚也今經典通用鐘為樂器是也鐘今在嵯峨妙  
心寺相傳舊法金剛院物徒然草所謂律中黃鐘者即是鐘也

那須直韋提碑

永昌元年己丑四月飛鳥淨御原大宮那須國造追大壹那須直  
韋提評替被賜歲次康子年正月二壬子日辰節妳故意斯麻呂  
等立碑銘德云尔仰惟殞公廣氏尊胤國家棟樑一世之中重被  
戴照一命之期連見再甦碎骨飛髓豈報前恩是以曾子之家无  
有孀子仲尼之門无有罵者行孝之子不改其語銘夏堯心澄神  
照乾六月童子意香助坤作徒之大合言喻字故無翼長飛无根  
更固

碑在下野國那須郡湯津上村俗称笠石舊在荆棘中土人觸  
犯者必蒙殃崇有僧圓順以是事語梅平村人大金重貞者梅  
平在水府封内重貞以義公好古聞之實貞享四年之秋也公  
即命臣依々宗淳就搨之元祿四年三月更命有司封築安碑  
於其上建亭以護之巋然存于今者公之賜也蒙齋曰永昌元

年當作朱鳥四年蓋係洗者改作今審觀之字樣不類其說似  
可信朱鳥四年五年六年七年見萬葉集朱鳥七年見靈異記  
不得據史斷言朱鳥之號僅一年也飛鳥淨御原宮天武天皇  
丙宮帝崩持統天嗣御是宮至八年<sup>朱鳥九年</sup>始遷都藤原故碑謂  
持統天皇之時猶稱淨御原大宮也諸名大村墓志云後清  
原聖朝即是也追大壹天皇丙制爵位四十八階之第三十等  
那須直姓也丙謂胙之士而命之氏者姓氏錄不載其祖不詳  
韋提名也佐々氏釋作那須宣提非是評督官名猶後世郡領  
也白石新井先生云評督是都督之誤亦不知古時有評督之  
職也康子即庚子係文武天皇之四年庚作康又見伊福吉部  
氏墓版殍字旁从夕下文殍字同漢李翊夫人碑殍字作殍與  
此同法唯未見西土人以康為庚者耳殍故猶言病死也佐々  
氏釋作弥故疑為物故之訛並非是偲訓志奴布思慕其人之

義萬葉集多用之蓋是間會意字非詩所謂義且偲之白石先  
生釋為德字亦非棟樑即棟梁淮南主術訓魏崔浩沈法會文  
北魏文帝予比于文唐虞世南書破邪論皆用此字蓋連上字  
增木傍者猶鳳皇作鳳凰琅邪作琅琊之類也無翼長飛無根  
更固蓋本于管子忒篇無翼而飛者聲也無根而固者情也之  
語唐高宗三藏聖教記亦云名無翼而長飛道無根而永固然  
銘文多不可讀諸家往往強作解事不可據信今姑從佐々氏  
所釋蒙齋以是碑為持統天皇時物則誤矣



藥師寺東塔擦銘

維清原宮馭宇

天皇即位八年庚辰之歲建子之月以中宮不念創此伽藍而鋪  
金未遂龍駕騰仙太上天皇奉遵前緒遂成斯業照先皇之弘誓  
光後帝之玄功道濟眾生業傳曠劫式於高躅敢勒貞金其銘曰  
巍巍蕩蕩藥師如來大發誓願廣運慈哀猗猗聖王仰迓冥助爰  
饒靈宇莊嚴調御亭亭寶剎窈窈法城福崇億劫慶溢萬齡

右刻在藥師寺東塔剎柱上隅東奈佐先生有擦銘釋精核可  
喜按清原即清御原當時文人厭冗長刪御宇者藤原繼繩公  
上奉勅修史表云襲山肇基以降淨原御寓之前古事記序云  
飛鳥清原大宮形浦山碑云飛鳥清原大朝庭猪名墓志云清  
原聖朝皆是也以郡為群出唐昭仁寺碑是銘造在文武天皇  
之時故謂持統天皇為大上天皇也續日本紀文武天皇二年

十月庚寅以藥師寺構作畧了詔衆僧令住其寺可見持統天皇之時猶未落成也蒙齋以為天武天皇時之物踈漏甚矣

威奈真人大村墓志

小納言正五位下威奈卿墓誌銘并序

卿諱大村檜前五百野宮御宇 天皇之四世後岡本聖朝然冠威奈鏡公之第三子也卿溫良在性恭儉為懷簡而廉隅柔而成立後清原聖朝初授務廣肆藤原聖朝小納言關於是高門貴胄各望備負天皇特擢卿除小納言授勤廣肆居無幾進位直廣肆以大寶元年律令初定更授從五位下仍兼侍從卿對揚宸扆參贊絲綸之密朝夕帷幄深陳獻替之規四年正月進爵從五位上慶雲二年命兼太政官左小辨越後北疆銜接蝦虜柔懷鎮撫允屬其人同歲十一月十六日命卿除越後城司四年二月進爵正五位下卿臨之以德澤扇之以仁風化洽荆清令行禁心所莫享茲景祐錫以長齡豈謂一朝處成千古以慶雲四年歲在丁未四月廿四日寢疾終於越城時年卅六粵以其年冬十一月乙未朔

廿一日乙卯歸葬於大倭國葛木下郡山君里狛井山壘天潢疏  
汎若木分枝標英啓哲載德形儀惟卿降誕餘慶在斯吐納參贊  
啓浚陳規位由道進榮以禮隨製錦蕃維令望攸屬鳴絃露冕安  
民靜俗憬服來蘓遑荒公足輔仁無驗連城折玉空對泉門長悲  
風燭

右誌鑄於銅合子蓋上蓋大村真人在越後卒焚尸盛骨歸葬  
也明和中大和國穴蟲山崩而出此器今藏四天王寺□□院  
威奈古事記作韋那日本書紀作偉那統日本紀作猪名姓氏  
錄作為奈並同紀記並云惠波王之後姓氏錄以為火焰王之  
後惠波火焰並是宣化天皇皇子未知孰是也五百野宮古事  
記日本書紀三代實錄並作廬入野宮按廬訓伊富利或省云  
伊富則知宮名亦或省稱伊富能也五百野宮御宇天皇后諡  
曰宣化天皇后是謂齊明天皇之朝後清原持統天皇藤原

文武天皇也鏡公史傳無載紫冠孝德天皇所制冠位十九階  
之第五六等務廣肆天武天皇所制爵位四十八階之第三十  
等勤廣肆第二十四等直廣肆第十六等誌云大寶元年律令  
初定更授從五位下蒙齋誤釋更授作受下文景祐亦誤作景祐續日本紀大寶元年三月  
申午始依新令改制官名位號者是也誌又云四年正月進爵  
從五位上按紀正月癸巳叙位大村真人進爵蓋在是時然紀  
是日有授正四位上從四位下從五位下之事無授從五位上  
之文疑紀有缺脫也誌云同歲慶雲三年也十一月十六日命卿除越  
後城司紀云四年閏正月庚戌以從五位上猪名真人大村為  
越後守與紀少異誌乃當時人之所書當據以為正也任小納  
言兼待從左小辨叙正五位下紀皆失載是誌少字皆作小蓋  
古人通用大倭國即大和國天平勝寶四年改今字見神代卷  
口決及拾效抄葛木下郡即葛下郡時未有國郡名二字為定


之制故書為三字天武紀葛城上郡亦是山君里未詳廣本倭  
名類聚抄葛下郡有山直鄉或是山君之誤

伊福吉部臣德足比賣墓版

因幡國法美郡伊福吉部德足比賣臣藤原大宮御宇大行天皇  
御世慶雲四年歲次丁未春二月二十五日從七位下被賜仕奉矣  
和銅元年歲次戊申秋七月一日卒也三年康成冬十月火葬即  
殯此處故末代君等不應崩壞  
上件如前故謹錄鐸

和銅三年十一月十三日巳未

右盛骨銅合子文鐸在蓋上制度與前器約略相似安永三年  
六月廿四日因幡國府中山中發土獲之伊福吉部姓氏錄作  
伊福部或五百木部皆同火明命之後也德足比賣書傳無見  
謂文武天皇為大行天皇萬葉集亦同蓋當時誤認大行為先  
帝之義也末代君猶言後世諸君蒙齋釋為末代吾者誤矣鐸  
即碑字器用銅造故變石从金耳非鑿鐸之字猶墓榻古以木

作之周禮塔氏職云若有死於道路者令埋而置揭焉書其日月為漢書尹賞傳云揭者其姓名顏師古曰揭杖也採杖於瘞處而書死者名也揭杖字並从木後世代以石故字亦从石作碣遂與東海碣石字混為一也然謂誌為碑所未有見恐謬也

建多胡郡辨官符碑

弁官符上野國片里郡綠甘良郡并三郡內三百戶郡成給羊成多胡郡和銅四年三月九日甲寅宜左中弁正五位下多治比真人

太政官二品德禎親王左大臣正二位石上尊右大臣正二位藤原尊

碑在上野國多胡郡池村續日本紀云和銅四年三月辛亥割上野國甘良郡織裳韓級失田大家綠野郡武美片里郡山等六鄉別置多胡郡此碑蓋刻當時符文也按碑云九日甲寅則辛亥為六日碑史相差三日給羊字不可讀俗傳羊大夫之事不經甚矣蒙齋曰應作半義粗可通然文理不穩不如闕疑之為勝也太政官即知太政官事度雲二年九月紀云二品穗積親王知太政官事是也石上尊麻呂公藤原尊不比等公也尊

訓美古登古時尊重其人之稱谷川淡齋誤以為朝臣之省者  
可笑矣二公官銜亦皆與續紀合蒙齋曰多治比真人三宅麻  
呂也三宅麻呂為左中辨續紀不載然位階適合亦後為左大  
辨則或其人也

粟原寺鑪盤

寺壹院四至

限東竹原谷東岑  
限榎村谷西岑

限南太岑  
限北忍坂川

此粟原寺者仲臣朝臣大嶋惶惶誓願奉為大倭國淨美原宮治  
天下天皇時日並御宇東宮敬造伽藍之尔故此賣朝臣額田以  
甲午年始至於和銅八年合廿二年中敬造伽藍而作金堂仍造  
釋迦丈六尊像

和銅八年四月敬以進上於三重寶塔七科鑪盤矣仰願藉此功德  
皇太子神靈速證无上菩提果

願七世先靈共登彼岸

願大嶋大夫必得佛果

願及含識俱成正覺

粟原寺今廢大和志云廢趾在十市郡粟原村鑪盤今藏多武  
峯妙樂寺按仲臣即中臣姓氏錄中臣雷大臣或作仲臣漢宣

帝號中宗漢西嶽華山廟碑作仲宗孝廉柳敏碑五行星仲世  
八舍柳宿之精亦以仲為中焦山古鼎司徒南中即南仲則中  
仲古通用可知也中臣朝臣大嶋天武持統兩紀數見日並御  
宇東宮天武天皇皇子草壁王也王為文武天皇元正天皇  
考天平寶字二年八月追尊奉稱岡宮御宇天皇但是時未上  
尊號而云御宇頗似可疑然王天武天皇之特為皇太子攝萬  
機至持統天皇三年薨雖未嗣皇統與天皇之尊其實無異蓋  
古以帝位比之日而皇子與帝相並御天下故稱曰日並御宇  
皇子也日並御宇當讀為比奈美之續日本紀作日並知万葉  
集或作日雙斯皆可證或讀為比奈免之冰是比賣臣額田無  
攷甲午持統天皇八年也伽藍即伽藍隋龍藏寺碑作伽藍多  
度寺資財帳作伽藍皆是梵語對譯不必拘文字也余往讀崇  
峻天皇紀有鑪盤博士某爾時無辨鑪盤是何物今於是銘始

得知之七科即七階猶云七層也四天王寺本願緣起云寶塔  
第一露盤誓于鏤金亦謂露盤第一層也

本願緣起係後人為訛然共  
出在一條帝時故取証云

高田里結知識碑

上野國羣馬郡下贊鄉高田里三家子孫為七世父母現在父母  
現在侍家刀自□□君目首刀自又兒□那刀自孫物部君子足  
次駒刀自次□□刀自合六口又知識所結人三家氏人次知万  
呂鍛師礪了君牛磨合三口如是知識結而天地誓願仕奉名文

神龜三年丙寅二月廿九日

碑在綠野郡山名村金井澤山中舊在山下村民弥一家側弥  
一家貧族絕村民等謂犯穢是碑之所致遂移碑於山上或云  
明和中烏川厓畔崩壞而出者泐是下贊鄉或云今佐野村高  
田里今不詳其處上野國神名帳有羣馬郡高田明神蓋即其  
地為七世父母現在父母見孟蘭盆經六朝造象記多用之粟  
原寺露盤銘云願七世先靈共登彼岸西林寺記載阿弥陀造  
像記云寶元五年己未正月二種智識敬造弥陀佛像并二菩



薩願此功德現在親族福延万世七世父母随意住一恐脫含靈之  
類同斯福力皆是也鍛師人名天武紀有田中臣鍛師聖德太子傳蒙齋釋為  
鍛師又下文合三口釋為今三口並非是牛磨續紀天平神護  
二年五月甲戌上野國甘良郡人外大初位下磯部牛磨等四  
人賜姓物部君蓋其人也按上野國碓氷郡有磯部鄉君者蓋  
因此地名姓也姓氏錄河內皇別有磯部臣仲哀天皇皇子譽  
屋別命之後不知同姓否磯字从義作磯是問古鈔本多如此作部字省  
作了並始見於此結知識結社也猶今俗言講中者仕奉石文  
猶云謹敬造立建碑以紀之則疑是亦造像記也

興福寺觀禪堂鐘

捷植神器金鼓仁風聲振鷲岳響暢龍宮奉為四恩先靈聖躬遊  
神壽域晤言天衆鈿輪息下析機清空芥城伊竭弘誓無窮鑄銅  
四千斤白鎔二百六十斤神龜四年歲次丁卯十二月十一日鑄  
口主德因時

古昔鐘銘皆款文此獨為識文銘多滂漉殆不可讀奈良人松  
井元孝精意釋文如斯主德因時蓋願主人名疑是韓人也

楊貴氏墓版

從五位上守右衛士督兼行中宮高下道朝臣真備葬已妣楊貴氏之墓天平十一年八月二日記

歲次己卯

右墓版用瓦造刻字填以朱砂享保十三年大和國宇智郡大澤村民源八者掘地得之置之村中蓮華寺其地近時連不收或曰楊貴氏為崇村老相議埋之舊處新井鳴門豹近在同郡五條里親見其事為余語如此真備公官位與續日本紀所載合楊貴氏姓氏錄右京諸蕃所載八木造即此

佛足石記

釋迦牟尼佛跡圖

案西域傳云今摩揭陀國昔阿育王方精舍中有一大石有佛跡各長一尺八寸廣六寸輪相花文十指各異是佛欲涅槃北趣拘尸南望王城足所蹈處近為金耳國高迦因不信正法毀壞佛跡鑿已還生文相如故又指於河中尋復本處今現圖寫所存流布觀佛三昧經若人見佛足跡內心敬重无量衆眾由其而滅今俱□非有幸之所致乎又北印度烏仗那國東北二百六十里入大山有龍泉河源春夏含凍晨夕飛雪有暴惡龍常雨水災如來往化令金剛神以杵擊崖龍□伏歸依於佛恐惡心起齊跡示之於泉南大石上現其□跡隨心淺深量有長短今丘慈國城北四十里寺佛堂中玉石之上亦有佛跡齊日放光道俗至時同住慶觀佛三昧經佛在世時若有衆生見佛行者及見十輻輪相即除

十劫極重惡業佛去世後想佛行者亦除十劫極重惡業雖不想  
行見佛迹者見像行者出步之中亦除十劫極重惡業觀如來足  
下平滿不容一毛足下十輻輪相轂輞具足魚鱗相次金剛杵相  
足跟亦有梵王頂相衆蠶之相不遇諸惡是為困祥 以上正面在南

知識家口男女大小

正面方圍外下方題字

三國真人淨足

左側方圍外右方題名

大唐使人王玄策向中天竺磨□□國中轉法輪□□目見跡得轉  
寫搭是第一本日使人黃書本實向大唐因於普光寺得轉寫搭  
是第二本此本在右京四條一坊禪院向禪院壇披見神跡敬轉  
寫搭是第三本從天平勝寶五年歲次癸巳七月十五日盡廿七  
日并一十三箇日作□檀主從三位智努王以天平勝寶四年歲  
次壬辰九月七日改王寫成文室真人智努畫師越田安万書寫  
□石于□□□呂人足□仕奉□□□人 以上左側在西

三國真人淨足

左側方圍外題名在第十行下方

至心發願為亡夫人從四位下茨田郡王法名良式敬寫釋迦如  
來神跡伏願夫人之靈駕遊□无勝之妙邦受□□□之聖記  
和脫有漏高證无為同霑三男共契一真 以上背面向北

諸行無常諸法无我涅槃寂靜

以上右側在東

佛跡圖石在西京藥師寺所引西域傳與西域記法苑珠林載  
略同所記佛跡尺寸西域記釋迦方誌慈恩傳續高僧傳皆同  
今曲尺計之其廣正合其長唯二寸不知何謂蒙齋以記中一  
尺八寸為一尺六寸之誤蓋未檢西域記諸書也觀佛三昧經  
事同文異蓋係操觚者之纂節王玄策使天竺見唐書西域傳  
法苑珠林云貞觀二十三年有使圖寫迹來者即是磨下二缺  
字當是揭陀輪下缺字蓋處字黃文連出自高麗國人久斯那  
王見姓氏錄本實天智天皇紀持統天皇紀文武天皇紀並載

而無向唐國之事按天智天皇十年紀黃文造本實獻水臬豈  
非得於唐國而獻之耶普光寺唐貞觀五年為太子義乾建見  
佛祖統記禪院道昭所建初在飛鳥後移平城詳見續日本紀  
及三代實錄按續日本紀智努王天武天皇之孫父一品親王  
天平十九年正月授從三位天平勝寶四年八月乙丑賜文室  
真人姓按八月無乙丑九月廿二日即得  
乙丑然不以此云九月七日合可疑天平寶字五年改名淨三授正三位  
六年正月為御史大夫八年正月叙從二位九月致仕寶龜无  
年十月薨野呂氏摹刻此文卷末所附淨三御履歷訛謬頗多  
故余為正之亡夫人茨田郡王法名良式未詳按續紀云天平  
十一年正月丙午授無位茨田女王從四位下位階適合或其  
人也三國真人繼躰天皇皇子椀子王之後見姓氏錄淨足無  
致文中石字王休字磨滅不可見此從野呂氏摹本蓋或見不  
損本也今匡以分之但野呂氏摹本案作尋十指作帶相商作

商相作彩指於河中脫於字內心作恩由其而滅作由共滅有  
暴惡龍脫有字以杵擊崖崖上行山字龍□□伏作暴龍出伏  
寺佛堂作在佛堂迹作跡不遇作不異天竺磨□□國脫磨□  
二字目見作回見此本作日本四條一坊作四行坊畫作至一  
十三箇日脫一字畫師安万作安方三國真人淨足作文室真  
人淨三皆誤末行石字字呂字足字仕奉字人字野呂氏不刻  
蓋闕疑之意不足責也背後及右側二面野呂氏不刻豈不獲  
搨本耶是記石質頽堅不得深刻文字隱晦多不可讀又高卑  
坳堦刻隨其勢是以世無有搨本余親至西京經七日之久精  
撫一本纔得釋之其方圍下方二題字埋在塵土中余磨

佛足石歌碑

余佛跡

一十七首

美阿止都久留伊志乃比鼻伎波阿米尔伊多利都知佐閑由須  
礼知々波々賀多米尔毛吕比上乃多米尔

弥蘓知阿麻利布多都乃加多知夜蘓久佐等曾太礼留比止乃  
布美志阿止々已吕麻礼尔母阿留可毛

与伎比止乃麻佐米尔美祁牟美阿止須良乎和礼波衣美須豆  
伊波尔惠利都久多麻尔惠利都久

已乃美阿止夜与吕豆比贺利乎波奈知伊太志毛吕毛吕須久  
比和多志多麻波奈須久比多麻波奈

伊可奈留夜比止尔伊麻世可伊波乃字閑乎都知止布美奈志  
阿止乃祁留良牟多布刀父毛阿留可

麻須良乎乃須々美佐岐多知布賣留阿止乎美都々志乃波牟

多太尔阿布麻豆尔 麻佐尔阿布麻豆尔

麻湏良乎乃布美於祁留阿止波伊波乃字閑尔伊麻毛乃已礼  
利美都々志乃霸止 奈賀久志乃霸止

已乃美阿止乎多豆祢毛止米豆与伎比止乃伊麻湏久尔々波  
和礼毛麻冒互牟 毛吕毛吕乎為豆

舍加乃美阿止伊波尔字都志於伎字夜麻比互乃知乃保止氣  
尔由豆利麻都良牟 佐々美麻字佐牟

已礼乃与波字都利佐留止毛止已止婆尔佐乃已利伊麻世乃  
知乃 乃多米 麻多乃与乃□□

麻湏良乎能美阿止□□□□□□□□□□□□□□□□  
□□□□□□□□□□□□□□□□□□□□□□□□□□□□  
以上段

佐伎波比乃阿都伎止毛加羅麻為多利互麻佐米尔弥祁牟阿  
止乃止毛志 佐留 字礼志久毛阿留可

乎遲奈伎夜和礼尔於止礼留比止乎於保美和多佐牟多米止  
字都志麻都礼利 都加閑麻都礼利

舍加乃美阿止伊波尔字都志於伎由伎米具利字夜麻比麻都  
利和我与波乎閑牟 已乃与波乎閑牟

久湏理師波都祢乃母阿礼等麻良比止乃伊麻乃久湏理師多  
布止可理家利 米太志可利鷄利

已乃美阿止乎麻婆利麻都礼婆阿止奴志乃多麻乃与曾保比  
於母保由留可母 美留期止毛阿留可

於保美阿止乎美尔久留比止乃伊尔志加多知与乃都美佐閑  
保吕支止曾伊布 乃曾久止叙伎久

呵嘖生死  
比止乃徽波衣賀多久阿礼婆乃利乃多能与湏加止奈礼利都  
止米毛吕毛吕 湏々賣毛吕母吕

与都乃閑羨伊都々乃毛乃々阿都麻礼流伎多奈伎薇乎婆伊  
止比須都閑志 波奈礼須都倍志

伊加豆知乃比加利乃期止岐已礼乃薇波志尔乃於保岐羨都  
祢尔多具霸利 於豆閑可良受夜

□都□□□□□□比多留□□乃多尔久須理師毛止车与  
伎比止毛止元 佐麻佐车我多米尔 以上下段

右歌碑建在佛足石之後所鐫歌廿一首其十七首咏贊佛蹟  
四首呵責生死碑嘗罹火災以故四邊有剝脫者中亦有磨泐者  
不存者其剝脫而後人取舊文補刻者今圈以別之其磨泐者  
今從野呂氏摹本填入亦匡以存之第二首拾遺和歌集載之  
云光明皇后自書于山階寺佛蹟皇后崇奉佛教其吟咏想當  
如此按義楚六帖載西域記云佛在摩竭陀國波叱離城石上  
印留跡記法法師親禮聖迹自印將來今在坊州玉華山鐫碑

記讚皇后盖倣此也契冲律師曰山階寺即興福寺或云佛跡  
石及此碑古昔在興福寺後移置藥師寺然第十五首詠藥師  
佛則似舊在於此方外友西教寺潮音曰第十五首使用容醫  
舊醫之事見涅槃經亦喻釋迦之教勝於餘教非謂藥師佛也  
愚按第九首第十四首並云舍加乃羨阿止非謂藥師佛明矣  
雖是寺安藥師佛然又有釋迦佛跡石亦何害拾遺集云山階  
寺者恐傳聞之誤以為移置者以碑見在藥師寺不与拾遺集  
合臆度為之說不足據也潮音近日考證記文注釋和歌並精  
審可據以有專書此不贅



勝寶感神聖武皇帝銅板詔書

菩薩戒弟子皇帝沙弥勝滿誓首十方三世諸佛法僧去天平十三年歲次辛巳春二月十四日朕發願稱廣為蒼生遍求景福天下諸國各合敬造金光明四天王護國之僧寺并寫金光明最勝王經十部住僧廿人施封五十戶水田十町又於其寺造七重塔一區別寫金字金光明最勝王經一部安置塔中又造法華滅罪之尼寺并寫妙法蓮華經十部住尼十人水田十町所冀聖法之盛与天地而永流擁護之恩被幽明而滿天地神祇共相和順恒將福慶永護國家開闢已降先帝尊靈長幸珠林同遊寶刹又願太上天皇太皇后藤原氏皇太子已下親王及大臣等同資此福俱到彼岸藤原氏先後太政大臣及皇后先妣從一位橋氏太夫人之靈識恒奉先帝而陪遊淨土長願後代而常衛聖朝乃至自古已來至於今日身為大臣竭忠奉國者及見在子孫俱曰此福

各繼前範堅字君臣之禮長紹父祖之名廣給群生通該庶品同  
辭愛網共出塵籠者今以天平勝寶五年正月十五日莊嚴已畢  
仍置塔中伏願前日之志悉皆成就若有後代聖主賢卿兼成此  
願乾坤致福愚君拙臣改替此願神明効訊

右銅版詔書藏在東大寺二月十四日續紀天平十九年十一  
月已知詔云亦同然於十三年紀則係之三月廿四日未知  
何謂也是詔在讓位後數年而言皇帝又謂既崩元正天皇為  
太上天皇謂太皇太后宮子為皇太后謂今上寶字稱德孝謙  
皇帝為皇太子謂皇太后光明子為皇后者皆是天平十三年  
發願時之語非勝寶五年落成時之文先後太政大臣鎌足公  
不比等公橘氏大夫人縣犬養宿祢東人女三十代也適不比  
等公生光明子和銅元年十一月賜橘宿祢姓天平五年正月薨  
天平寶字四年八月贈正一位為大夫人然此詔豫曰大夫人  
殊不可曉

又

施封五十戶

水田一万町

以前捧上件物遠限日月窮未來際敬納彼三寶分依此發願太  
上天皇沙弥勝滿諸佛擁護法藥薰質万病消除壽命延長一切  
所願皆使滿足令法久住拔濟群生天下大地人民快樂法界有  
情共成佛道以代代國王為我寺檀越若我寺興復天下興復若  
我寺衰弊天下衰弊復誓其後代有不道之主邪賊之臣若犯若  
破障而不行者是人必得敬辱十方三世諸佛菩薩一切賢聖之  
罪終當墮大地獄無數劫中永無出離十方一切諸天梵天護塔  
大善神王及普天率土有勢威力天神地祇七層尊靈并依命立

切大臣將軍靈共起大禍永滅子孫若不犯觸敬勤行者世世累  
福終隆子孫共塵城早登覺岸

天平勝寶元年

平城宮御宇大上天皇法名勝滿

右刻在前詔背按續日本紀天平感寶元年閏五月癸丑捨諸  
寺絕綿布稻墾田地詔文略同遠江國相良平田寺亦歲是日  
勅書蓋是所賜大安寺廢後在於此也其紀年云天平感寶  
與史同按是歲七月讓位於皇太子改元勝寶然今詔在閏五月  
而云勝寶者是刻蓋同在刻勝寶五年詔之時故記以改号耳其在  
帝位而稱太上天皇續紀及平田寺勅書皆同疑不能明也又  
按續紀是日所捨東大寺墾田一百町七月乙巳定諸寺墾田  
地限亦大倭國分金光明寺四十町並不與此詔合續紀又曰  
天平勝寶二年二月壬午益大倭金光明寺封三十五百戶通

前五十戶此詔豫曰五十戶亦蓋追刻時所改增也

修造多賀城碑

多賀城

去京一千五百里

去蝦夷国界一百廿里

去常陸国界四百十二里

去下野国界二百七十四里

去鞆鞆国界三十里

此城神龜元年歲次甲子按察使兼鎮守將軍從四位上勳四等  
大野朝臣東人之所置也天平寶字六年歲次壬寅參議東海東  
山節度使從四位上仁部省卿兼按察使鎮守將軍藤原惠美朝  
臣朝猶修造也

天平寶字六年十二月一日

碑在陸奥國宮城郡市川村即多賀城廢趾也  
上有西字其義未詳續日本紀東人神龜元年二月授從五位

多賀柵始見續日本紀天平九年三月

碑

上二年閏正月授從四位下勳四等天平三年正月授從四位上其為鎮守將軍見天平元年九月為按察使見九年正月碑所書官位皆得于置是城之後其後十一年四月為參議十三年閏三月叙從三位十四年十一月薨于職碑不言參議從三位者何也若以置城之時言之未嘗為勳四等從四位上疑朝猶暗記之誤耳朝猶官銜與續紀所載皆合但寶字五年十一月丁酉紀曰為東海道節度使不曰東山然紀載其所管國有上野下野則知東山兼在其中也又按六年十二月紀八年七月紀及九月押勝傳並云從四位下不載至從四位上是碑為自己署名當以史為遺漏也

高屋連枚人墓版

故正六位上常陸國大目高屋連枚人之墓寶龜七年歲次丙辰十一月乙卯朔廿八日壬午葬

河內國石河郡□□山崩而出版版用丸造与楊貴氏墓版其制略同今藏在同郡叡福寺古事記云安閑天皇御陸在河內古市高屋村延喜式有河內國古市郡高屋神社高屋連為河內國神別故歸葬于此也枚人史傳無見

字智河崖涅槃經碑  
大般涅槃經


諸行无常 是生威法 生威之已 寔威為樂  
如是偈句乃是過去未來現在諸佛所說開空法道如來證涅槃  
永斷於生死若有至心聽  
常得无量樂

若有書寫讀誦為他能說一經其身於却後七劫不墮惡道

寶龜九年二月四日二少□□□

知識□□

右刻在大和國字智河就崖書後彫佛像一區字頗湯滅而以  
碑首有大般字遂或謂大般若經碑者誤按諸行无常偈及如  
是偈句一章出聖行品如來證涅槃偈及若有書寫一章出高  
貴德王品其就崖書者蓋本於 品我於爾時深思此義然



後處之若石若壁若樹若道書寫此偈之文也碑書寂滅為寂  
滅按之詩赫之宗周褒姒威之昭元年左傳韋昭國語注並引  
作滅則知威滅同字陸德明威音胡劣及歷代韻書兼之威滅  
異音恐非是

紀氏墓版

維延曆三年歲次甲子朔癸酉丁酉叅議從四位下陸奥国按察  
使兼守鎮守副將軍勳四等紀氏諱廣純之女吉繼墓志  
河内國石川郡妙見寺有一丘陵土人呼為茶白山往年出此  
墓版今藏在本寺按延曆三年正月癸酉朔丁酉廿五日也然  
不言正月直書朔癸酉別屬一例廣純卿官銜皆与史合

紀氏墓版  
石川郡妙見寺  
廣純墓志  
廣純卿官銜皆与史合  
核斎筆

附錄

南圓堂銅燈臺銘

銅燈臺銘并序

弘仁七載歲次景申伊豫權守正四位下藤原朝臣公等追遵  
先考之遺敬志造銅燈臺一昕心不乖麗器期於撲慧景傳而不  
窮慈炷燭而無外遺教經云燈有明明命也燈延命譬喻經云為  
佛燃燈後世得天眼不生冥處普廣經云燃燈供養照諸幽冥苦  
病衆生蒙此光明緣福德皆得休息然則上天下地匪日不明向  
晦入冥匪大不照是故以斯功德奉翊

先靈七覺如遠一念孔迹庶幾有心有色並超於九橫無小無大  
共蠲於八苦昔光明菩薩燃燈說咒善樂如來供油上佛居今望  
古豈不羨哉式標良因貽厥來者云大雄降化應物開神三乘分  
轍六度成津百非洗蕩万善惟新更昇忉利示以崇親其一薰修福闕下



右銅燈臺在興福寺南圓堂前燈臺六方銘亦六版末二版逸失今所存四版耳景申即丙申唐人為太祖諱丙為景此襲用之孝謙皇帝所寫一切經跋亦云神護景雲二年歲在戊申五月十三日景申与此同藤原朝臣名諱不可知俟後攷或謂冬嗣公非是冬嗣以弘仁三年正月為參議見日本後紀弘仁五年四月辛冬冬嗣閑院授從三位見類聚國史以此弘仁七年伊豫權守正四位下不合遺教志造銅燈臺一所按敬志恐倒置匪大不照亦應作火皆書者偶誤也

神護寺鐘銘

愛當之山神護之寺三寶既備六度無虧唯所存梵鐘形小音窄故禪林寺真紹和尚始發弘願有心改鑄鎔範未成衣衾早化檀越少納言從五位上和氣朝臣彝範悼和尚之遺志尋先祖之舊蹤以貞觀十七季八月廿三日雇冶工志我部海繼以銅一千五百斤令鑄成焉恐年代久遠後人不知仍聊記於鐘側右少辨攝朝臣廣相之詞也

銘一首八韻

傳音在器  
厥孫聿遵  
體有寬窄  
谷響由旬  
慈用世界

證果惟曰  
宿昔三尺  
功無舊新  
聞空覺夢  
感及非人

余祖初業  
今日十斤  
山聲萬歲  
扣即歸真  
雕琢勝趣

蒙叟當仁

叅議正四位下勘解由長官兼式部大輔播磨權守管原朝臣是善銘

圖書頭從五位下藤原朝臣敏行書

神護寺在山城國葛野郡高雄山舊號高雄寺天長元年九月和氣朝臣真綱等請以為定額名曰神護國祚真言寺見類聚國史元享釋書云真紹幼事弘法大師長受灌頂于實慧齊衡之間建禪林寺貞觀十五年七月七日滅序云鎔範未成衣祴早化者是也按系圖彞範清麻呂公四世之孫真綱之曾孫真典之孫時盛之子也廣相是善敏行並是顯人俗稱為三絕鐘銘非虛也序仍聊記於鐘側山城名勝志脫聊字銘爾祖初業厥孫聿遵用詩無念爾祖聿脩其德之字名勝志鐘銘集並釋作幸遵又慈周世及鐘銘集作沙界皆誤雕琢勝趣琢即琢字

荀子雕琢刻鏤陸賈新語雕琢刻畫古本群書治要並作琢漢

書東方朔傳瑀琢刻鏤即與雕琢刻鏤同顏師古曰琢音篆非是文選司馬子

長報任少卿書雕琢晏辭以自飾漢書司馬遷傳載作雕琢顏師古又

曰琢音篆非是莊子雕琢復朴列子載其事亦作雕琢殷敬順音持宛反亦非是唐張旭書

郎官石記序徵追琢之良工此用詩追琢共章之字也皆是也與咏字或作喙同

義俱書家故求茂羨耳于祿字書琢琢上珪璧文音篆下琢玉

竹角反又云喙啄上許穢反下丁角反唐人琢啄字多作琢喙

故顏氏正之也按說文琢圭璧上起兆琢也廣韻璧上文也持充切周禮典瑞琢圭璋璧琮是禮記器大圭不琢鄭玄曰琢當為篆字之誤也釋文字亦作琢漢書董仲舒

傳良玉不琢似得義通然琢字不常用作家孔龢碑豕作豕張納功德頌遜作遜後魏中岳嵩陽寺碑

琢作喙則琢作琢亦有由而來鐘銘集作雕珠勝趣名勝志作

雕琢懸趣俱誤


道澄寺鐘銘

道澄寺者從三位守大納言兼右近衛大將行皇太子傳藤原朝  
臣叅議左大辨從四位上兼行勘解由長官播磨權守橘朝臣為  
報四恩濟六趣合誠勩力所建立也堂宇比莞南北輪爰尊像接  
座前後跣趺兩相公宿殖香火之緣生為瓜葛之戚非唯現世結  
契闊之情亦欲淨刹興安養之樂故各取其名首字以為此寺額  
題所以貽本緣於來代期同志於他生也藤亞相爰命島匠乃鑄  
鴻鐘且將令長夜昏迷聞妙聲而知曉苦海沉溺驚梵叫而通津  
延喜十七年十一月三日銘之其詞云

僊師施治普提催緣靈受必應響高自傳從夕至曉出定入禪傍  
唱衆聖遙警大仙法喜增感耶夢驚眠通阿鼻獄達有頂天劫數  
億萬劫界三十一音利益無限無邊

道澄寺中古廢絕今時再建在山城國紀伊郡斜橋傍鐘今在

大和國宇智郡小嶋村榮山寺蓋道澄寺廢時移此也拾芥抄云道澄寺道明澄清二人合力建立則知藤原朝臣道明卿攝朝臣澄清卿也按系圖道明武智麻呂公五世孫保蔭之弟二子澄清諸兄公六世孫良基之弟五子也鐘序所載官銜皆與公卿神任合又按良基之女適保蔭生道明則澄清與道明舅姪序云生為瓜葛之戚者契閣約束也韓詩說見經典釋文陸機贈弟士龍詩云安得攜手俱契閣成駮服從梁陳詩誰謂伏事淺契閣踰三年江淹雜體詩陸機契閣羨華內綢繆踰歲年又盧諶姻媾久不虛契閣豈但一皆當以約束解之李善或引毛傳契閣勤苦也為注非是後或以為疏遠之義亦非此義也銘云響高自傳高即亮字楊貴氏墓版智證大師寫經亦作此體序龜字作鳥亦同法鐘銘集釋為高非是大田南畝覃曰格古要論云趙景安雲麓漫抄引會誓志云智永與其兄惠欣本住郡之喜祥寺右軍舊宅也梁武以二僧能從釋教合二名改賜額永欣云以道澄為寺額蓋本于此小島靜齋知足云道澄二公並與撰延喜式見忠平公序世知有二公賴此鐘銘耳竟不知其文學為當時之器也是言誠然故余為表出之



西園莊藏

